

Sh



BIBLIOTHECA
UNIV. AGELL.
CRACOVENSIS

53302

kal.komp.

I

Mag. St. Dr.

P

*Opuscula et sermones Cantini: Quacertio de ne-
tura materiae primae.*

Biblioteka Jagiellońska



stdr0002916

Q
D


M. A
uio
t

A

QVÆSTIO DE NATVRA MATERIÆ PRIMÆ.

M. ADAMO PANTINI OPATO.
uio publicè ad disputandum propo-
ta, in Alma Academia Crac: in
Mense Mart: die. 13.
Hora 13.

Permissu M. D. Rectoris.



C R A C O V I Æ,
Apud Hæredes Iacobi Sibencycher,
Anno Domini. 1623.

J.

IN ARMA PERILLVSTRIVM
DD. DVCVM IN ZASLAW.



53302

*Hesperias quanquam decedat Phæbus in undas,
Lux tamen est Lechis; qua ratione ? patet.
Occupat à Zaslau soboles clarissima Lunam, hanc
Sidus alit, servant arma, Tiara, viri:
Quid superest aliud præterquam ut tempus in omne
À Zaslau sobolem seruet, alatq; Deus.*



ALEXANDRO

DVCI IN ZASLAW

Palatino Bracławien: &c. &c. Domino

& Patrono amplissimo. S. D.



Ege publica Academiae cautum est ILLUSTRISIMEDUX, ut qui in gremium illius admitti velit, citra eiusdem consensum, & publicè declaratum ingenij & doctrinae specimen, in illud recipi non possit. Haud enim convenire putavit, aliquem in suo versari curriculo, cuius apud omnes doctrinae & eruditionis non extaret ratio. Nā sicubi, hīc certè Imperatorium illud minus vallet, imo nimis turpe est, NON PVTARAM, vbi sapientia lucidissimus Regnorum oculus, domicilium sibi collocavit, vbi cū ignorantia infestissimo sapientiae hoste quotidie concurrirur: vbi denique à ciuibus robur animi comparatur. Huic ego legi satisfactorius, dū in certamen Academicum prodeo, non aliunde mihi quærendum patrociniū putavi, quā ab Illustr: Cel: V. ut quam diuino beneficio, velut nouum quoddam felicissi-

A z

mē

mè exortum fidus, datum esse patriæ meæ con-
spicio, et veneror: ab ea dē benignis ac fauentib⁹
radiis in hoc literario negotio lucem mihi dari
cupio. Cum enim literæ Principum clientes so-
ciaq; sint, profectò & literarum cultores in ho-
rum clientella, vt quibus operas suas consecra-
rint, conquiescere debent. Et tanto maiorem
spem animo concipio, Illustr: Cel: V. patrocini-
um huius meæ Philosophicæ pugnae susceptu-
ram; cum mecum recogito in Illustr: domo & Fa-
milia Ducum ornamentis ab ipso Principatu
Lituanix ductis, splendente, semper virtuti ac o-
ptimis quibusque, perfugium, spem ac salutem
fuisse. Et quamuis hostium patriæ victoriis, ma-
ximè delectetur; nunquam tamen hæc studia,
quæ non Marte, sed prudenti consilio, velut ar-
mis aduersas arces prostermit, aduersatur. Accipe
igitur Illustrissime Ducum, has primitias con-
tentionis meæ in hac palæstra Academica obe-
undas, tibi oblatas, animo vt soles beneuolo; tuis
enim iam auspiciis felicissimis frerus in arenâ de-
scendo, de ingenii laude decertaturus, spero que
me, si non victorem, at certe non adeo inferior-
rem ex ea descensurum. Illustr: Cel: V. quam di-
utissime & quam felicissime valere cupio. Crac:
13. Marti, Anno MDC XXI.

Illustr: Cels. V. eternum deuotus.

M. Ad. Pantini Art. & Phil D. A. C. Pos.

QVÆSTIO DE NATVRA MATE- riæ primæ.

V Materia prima, essentialiter pura potentia, habeat aliquem actum, simul potentem stare cum pura eius potentia; per quem quidem cognosci possit; & si non ordinaria naturæ via, diuina tamen virtute, existere sine concursu formæ substantialis in ea, necne?

CONCLUSIO I.

Potentia ad formam substantialem, ita est de essentia materiæ primæ, vt nequeat dici proprietas illi superaddita.

COROLLARIA.

1. *Nomine potentie non significatur hic obiectiua, quam vocant Non repugnantia: ne.*

B

que

que actiua, quæ est principium transmutandi aliud, sed sola passiva, quæ est principium transmutandi ab alio in quantum aliud.

2. Potentia materiæ primæ sic accepta, est de essentia ipsius in primo modo dicendi per se, non vero in secundo.

3. Nulla datur potentia in materia prima, respiciens immediatè actum accidentalem; sed talis potentia est in composito, radicaliter tamen à materia.

4. In materiæ entitate, licet, duæ assignentur potentia, quæ se formaliter non includant: non tamen inuicem, nec ab ipsa materia realiter distinctæ.

5. Priuationis in materia, non ea est ratio quæ potentia: priuatio enim solùm est necessaria materiæ ad generationem ut terminus à quo potentia, verò est conditio necessaria ad recipiendas formas substantiales: ob id priuatio, est tertium principium, distinctum essentialiter à materia, potentia verò non.

CONCLUSIO II.

Materia est pura potentia in genere entis, nullumq; includit actum.

COROL

COROLLARIA.

1. *Materia prima ita est pura potentia, ut nullam in se formam, non modo substantialem, sed ne accidentalem quoque habeat.*
2. *Et cum nullam formam, tum ne inchoationem quidem seu, gradus quosdam actuales imperfectos formæ alicuius patitur.*
3. *Educi formas de potentia materiæ, non est habere aliquas inchoationes in ea, sed, esse in actu formam, quæ antea fuit in potentia, non actiua sed subiectiua.*
4. *Hanc potentiam, licebit cum aliquibus dicere rationem seminalem in ordine ad formas corruptibiles, ad quarum generationem in suo genere concurrit: non autem in ordine ad formam humanam.*
5. *Materia prima, non modo actum Physicum, sed Metaphysicum etiam excludit: ideo in prædicamento non est reponibilis, nisi in directè, tanquam pars compositi.*

CONCLUSIO III.

Materia non potest cognosci atque intelligi nisi per respectum ad formam substantialem.

COROLLARIA.

1. *Materia ex natura sua, non causat similitudinem in intellectu, qua moueatur ad sui notitiam.*
2. *Nihil tamen impedit, quominus proprium materiae conceptum intellectus efformet, non tamen sine ordine ad formam.*
3. *Materia prima negatione, optimè cognoscitur.*
4. *Habitudo materiae ad formas substantiales, est illi essentialis, ita ut de materiae essentia, & potentia & habitudo sit.*
5. *Habitudo materiae ad formam, dicit respectum non prædicamentalem, sed transcendentelem.*

CONCLUSIO IV.

Materia naturaliter existere non potest sine aliqua forma substantiali, naturam inspicie entis completa constituyente.

COROLLARIA.

1. *Materia non est corpus aliquod ex quatuor simplicibus; neque etiam eius modi, ut seclusa
omni*

omni forma, corpus, quod sit trina dimensio,
dici possit: neq; corpus genericè sumptum de
Cathegoria substantie.

2. Est materia essentialiter in completa substan-
tia, ad constitutionem compositi, seu substan-
tie complete concurrens.
3. Materia est ingenerabilis et incorruptibilis
respectu agentium naturalium tantum: à Deo
enim sicut comproducta est rebus, ita cum ijs-
dem destrui per annihilationem, Deo solum
concursum quo illam servat subtrahente,
potest.
4. Materia communiter dicitur à Philoso-
phis, mater corruptionis: non quidem forma-
liter & effectivè (hoc enim fit per actionem
agentis naturalis, & per contraria, quae se
mutuo depellunt ab eodem subiecto) sed per
accidens, quatenus recipere dicitur formam
de nouo, cum qua esse non potest, nisi priorem
amiserit.
5. Materia habet appetitum naturalem ad for-
mas, qui est eius potentia ad formam & exi-
stentiam quibus caret, veluti perfectionibus
B; sibi

sibi conuenientibus et debitis; ita ut in recto et principaliter dicat ipsam potentiam ad formas et existentiam tanquam ad proprium bonum: includat uero tanquam connotatum quid, et ceu conditionem sine qua non, priuationem illarum formarum.

CONCLUSIO V.

Materia, ne diuina quidem virtute potest existere sine omni forma.

COROLLARIA.

1. Indubitanter tenendum est, totam existentiam quadam naturæ consecutione, à forma, tanquam effectum, à sua causa, promanare: neq; alteri posse causæ competere.
2. Inde tamen sequitur, bene illam existentiam posse dici propriam materiæ, prout proprium, idem est quod non extraneum: quando quidem existere beneficio formæ, est valdè debitum naturæ materiæ primæ: Neq; ob hanc communicationem existentie à forma, inferet aliquis, eam non esse ens saltim nominaliter: benè tamen, et cum Aristotele (à cuius doctrina,

- na, sobriè de rebus sentientes, non temerè
recedūt) asseret, non esse ens participialiter.
3. Vnde fatemur, non minus implicare contra-
dictionem, materiam existere sine forma, atq;
album esse sine albedine; sicut vniuersaliter
sine forma tam substantiali quam accidentali,
posse existere effectum vtriusq;.
4. Neque pertimescendum est asserere, inter
materiam et formam, maiorem esse depen-
dentiā et connexionem, quam inter accidens
et substantiam: non obstante eo, quod vtrum-
quē sit absolutum et realiter à se distinctum:
quandoquidem lucidū realiter distinguitur
à diaphano, et quantitas à figura; et tamen
neque lucidum sine diaphano, neque quanti-
tas sine figura potest esse.
5. Ridiculum autem et vanum videtur, alium
confinere actum existentiae in materia, præ-
ter hunc formalem, correspondentē potentiæ
subiectivæ, quem solum et Aristoteles in sua
Philosophia agnoscit: Unde et potentia
illum actum introductum respiciens, præter
Philosophi mentem astruitur: cū, si accipi-
atur

atur à parte ipsius rei, non sit aliquid reale.

Sub felicibus auspicijs Admodum Reuerendi &
Magnifici Domini IACOBI TVROBOYSKI de
Turoboyce, S. Th. Licentiati, Ecclesiarū
Collegiatarum SS. Omnium Præposi-
ti & S. Floriani Decani, Vniuer-
sitatis Crac: Generalis
RECTORIS.



1747

20

&
de

2

2

7

